

**ExxonMobil**

# PNG LNG Environmental na Sosel Ripot – **Yia 2021**





# ExxonMobil

PNG LNG i wok olsem wanpela han kampani bilong ExxonMobil insait long ko-vensa wantaim:



© ExxonMobil PNG Limited 2022

Corporate Separateness Notice: Nothing in this material is intended to override the corporate separateness of affiliated companies. Working relationships discussed in this material do not necessarily represent a reporting connection, but may reflect a functional guidance, stewardship, or service relationship. Where shareholder consideration of a local entity matter is contemplated by this material, responsibility for action remains with the local entity.

ExxonMobil PNG Limited has numerous affiliates, many with names that include ExxonMobil, Exxon, Esso and Mobil. For convenience and simplicity, those terms and terms like corporation, company, our, we and its are sometimes used as abbreviated references to specific affiliates or affiliate groups. Abbreviated references describing global or regional operational organisations and global or regional business lines are also sometimes used for convenience and simplicity. Similarly, ExxonMobil has business relationships with thousands of customers, suppliers, governments, and others. For convenience and simplicity, words like venture, joint venture, partnership, co-venturer, and partner are used to indicate business relationships involving common activities and interests, and those words may not indicate precise legal relationships.

Data adjustments may occur after publication and as such, data may be revised in future Reports.

For the purposes of this Report, the currency conversion rate used, between Papua New Guinea Kina (PGK) and United States Dollars (USD) is 0.2850 [PGK1 = USD0.2850]. This rate is as published by the Bank of Papua New Guinea as at 31 December 2021.



# EKSEKETIV TOKTOK

Maski COVID-19 i bin kamapim bikpela salens long ol kantri long wol, ExxonMobil PNG Limited i wok long menesim gut ol operesen bilong em na i strongim komitmen bilong em long iekonomik na sosel program i helpim long senisim laip bilong ol pipel bilong Papua Niugini.

Papua Niugini Likwifait Neturel Gas (PNG LNG) i bin winim tupela bikpela mak long 2021 we em i bin lodim 700 LNG kago long mun Janueri na namba 800 kago long Desemba. Em i winim tu planti prodaksen rekot long dispela yia, wantaim rekot level bilong prodaksen bilong LNG, feed gas na naptha.

Wanpela han bilong Exxon Mobil Corporation, ExxonMobil PNG Limited (EMPNG) i go pas long mekim wok bilong PNG LNG prodaksen fasiliti wantaim ol ko-vensera patna olsem: Santos Limited, Kumul Petroleum Holdings Limited, JX Nippon Oil and Gas Exploration Corporation, Mineral Resources Development Company Limited wantaim ol wanwok bilong ol.


Dispela Envairomental na Sosel Ripot i givim ol toktok bilong wanem samting i bin kamap long envairomen na sosel wok bilong EMPNG long 1 Janueri i go inap long 31 Desemba 2021.

## Prodaksen

EMPNG i bin kamapim 'Bikpela Velu, Liklik Senis' long 2021, na i bin mekim ol wok bilong kamapim gut prodaksen long dispela yia. Sampela bilong ol dispela wok em long -surukim LNG Plent edvens proses kontrol long taim ol i mekim gen wok long fractionation sistem dainemik metrix kontroler, senisim ol chok valv long Hides produsing wels na klinim ol air kula long LNG Plent.

Long dispela optimaisesen wok, PNG LNG i winim rekot bilong prodaksen long wan wan mun we i kisim mak bilong 9.0 milien ton bilong LNG long mun Ogas, wantaim 1103 milien stendet kubik fit gas long wan wan de na 579 kubik mita naptha long samting olsem wan wan de.

Long pinis bilong yia, ol i kamapim 8.4 milien ton LNG na salim 110 kago. Long taim prodaksen i bin stat long 2014 i kam inap nau, ol i bin salim 60 milien ton LNG na 808 LNG kago i go long ol kastoma long Asia.



**Long-term sata sip *Gigira Laitebo* i kamap long LNG Plent Marin Teminel bris long kisim namba 750 LNG kago**

## Nesenel kontent

Olsem komitmen bilong em long strongim nesanel kontent na kamapim ful kontribusen bilong ol Papua Niugini wokmanmeri, EMPNG i stretim rot bilong givim ripot we i

karamapim tu nesanel kontent data i kam long ol 11-pela ted pati kontrakta ogenaisesen. Ol i stretim tu data we i mekim isi long luksave long wanem samting i kamap long ol wokmanmeri na ol wok bilong ol kontrakta. Dispela bai helpim tu EMPNG na ol kontrakta long mekim gut ol wok bilong nesanel kontent we bai sapotim ikonomik developmen bilong Papua Niugini.

Long pinis bilong 2021, PNG LNG i bin gat 3339 wokmanmeri, we 2978 em ol sitisen bilong Papua Niugini. Dispela namba i karamapim tu ol EMPNG woka bilong 25 ted pati kontrakta ogenaisesen husat i mekim ol prodaksen wok. Ol meri inapim 19 pesen bilong ol Papua Niugini wokmanmeri.

Samting olsem 45 pesen bilong ol Papua Niugini wokmanmeri em ol lain bilong ol ples i stap klostu long ol PNG LNG fasiliti, na 25 pesen i bilong ol provins we PNG LNG i operet na 30 pesen i bilong ol arapela hap long Papua Niugini.

Long 2021, tupela operesens na meintenens teknisen i kamap ol namba wan Papua Niugini long mekim wok bilong Well Operesens Teknisen. Ol i sapotim Hides well daignostiks na mekim ol wok redi bilong drilling long Angore. Ol Papua Niugini i kisim wok bilong eitpela EMPNG supavaisa long dispela yia tu.



**Ol Hides Ges Kondisening Plent Operesens na Meintenens Teknisen, Raymond Wesley, Firmin Lora, Simon Koila, Jefferson Francis na John Marabe**

Dispela Operesens na Meintenens trening progrem i wok long kisim na trenim ol nupela teknisen long mekim ol wok long PNG LNG fasiliti. Long 2021, namba seven intek i bin kisim 24 treni we sikispela bilong ol em ol meri na ol i statim trening bilong ol long Kumul Petroleum Academy. Ol treni bilong namba sikis intek i statim wok trening long mun Jun bihain long ol i pinisim 12 mun Junia Teknisen progrem long Academy.

Ol Papua Niugini i holim 82 pesen wok bilong operesens na meintenens teknisen wantaim EMPNG. Ol Papua Niugini teknisen i holim olgeta bikpela operesen wok long LNG Plent.

Ol Operesens na Meintenens teknisen i gat sans long mekim ol arapela wok ausait long operesens na meintenens wok. Long 2021, sikispela teknisen i bin go mekim ol wok long eria bilong proses sefti, operesens integriti menesmen, kontrak administresen, teknikel raiting na infomesen teknoloji.



**EMPNG Menesing Dairekta, Peter Larden (namba tri long lephan) na EMPNG Operesens Menesa, Shameka Nelson (longwe raithan), wantaim ol operesens na meintenens treni bilong namba sikis intelek long LNG Plent sait**

Ol i kisim foapela ensinia long dispela yia, wanpela Integriti Ensinia, wanpela Masineri Ensinia, wanpela Seveilens Ensinia na wanpela Ilektrikel Ensinia. I bin gat faipela inten i kam wok long intensip program we ol i kisim ol greduet long namba tri yia bilong yunivesiti stadi long mekim wok trening long PNG LNG fasiliti.

Long 2021, EMPNG wantaim ol kontrakta bilong en i bin givim 117,785 aua long trening bilong 8840 manmeri long moa long 2570 kos. Ol online kos i gohet yet, na face-to-face learning i bin kamap gen long taim ol i rausim sampela pandemik ristriksen.

Wantaim wok bilong givim sans long kisim wok na strongim skil bilong ol wokmanmeri, EMPNG i save kontribut tu long ikonomi bilong kantri taim em i baim ol fres kaikai long maket long ol Papua Niugini bisnis bilong ol woklain bilong en long ol kemp. Wanpela eksampel, long 2021, moa long 61,700 kilogram bilong ol fres kaikai long ol lokal maket long Apstrim eria em ol i baim long Pajja Iba Women's Agri Business Group Inc. long saplaim long mes bilong Hides Ges Kondisening Plent (HGCP) Kemp.

Tenpela Lenona Kampani (Lancos) na 110 arapela non-Lanco Papua Niugini bisnis i bin mekim ol wok bilong prodaksen long dispela yia.

Long 2021, EMPNG i bin spendim PGK645 milien (USD183.8 milien) long ol Papua Niugini bisnis, we 29 pesen i bin go long ol Lanco sevis, em i olsem mak bilong PGK185 milien (USD52.7 milien). Long taim prodaksen i bin stat i kam inap nau, EMPNG i spendim PGK5.2 bilien (USD1.5 bilien) long ol Papua Niugini sevis, we PGK1.6 bilien (USD456 milien) em ol i spendim long ol Lanco.

Long strongim kepesiti bilong ol Papua Niugini bisnis, EMPNG i givim ol trening long na sans bilong bisnis developmen. Long 2021, kontrakta husat i lukautim wok bilong meintenens na stretim ol bagarap long ol marin loding han long LNG Plent Marin Teminal i kisim tripela Papua Niugini woka aninit long Lanco, Laba Holdings Limited, wantaim sapot bilong EMPNG. Ol dispela tripela nupela woka i wok long pinisim mekenikel fita trening na bai ol i wok wantaim dispela kontrakta.

Lanco, Hides Security Services Limited i bin winim Best Nesanel Kontent Kontribusen bilong Yia Awot long namba tu enuel Kontrakta Nesanel Kontent Awot bilong EMPNG. Narapela Papua Niugini kampani, FALCK PNG Limited i kisim luksave tu long kisim 100 pesen Papua Niugini wokmanmeri, na tu ol i bin kisim ol lokal eksperiens lain long mekim wok bilong ol paia sif.

EMPNG i mekim yet ol wok bilong helpim sastenabel komyuniti na ikonomik developmen long ol komyuniti invesmen program. Ol dispela program i karamapim edukesen, helt, laivlihud sapot, lo na jastis, envairomen awenes, stretim ol ki infrastraksa, na ol inisitiv bilong ol komyuniti.

Long 2021, ol i opim wanpela tri-bedrum haus bilong tisa long Komo Seven De Adventis Praimeri Skul em EMPNG i bin givim mani long wokim aninit long sapot program bilong en bihain long gurua i bin bagarapim ples. Adventist Development and Relief Agency PNG i bin sanapim dispela haus.

Nupela Papa Komyuniti Risos Senta em EMPNG i bin givim mani long wokim i bin op long dispela yia. Lanco, Laba Holdings Limited i bin sanapim dispela bilding. Em i gat bikpela konpresen rum, opis spes, kitsen na ol toilet. Dispela Risos Senta em i ples we komyuniti i save bung na wokim ol sosel iven, holim ol miting na trening.

Porebada Elementeri Skul i kisim wanpela nupela skul bilding na ol fenitsa bilong ol klasrum em EMPNG i givim mani long wokim na Laba Holdings Limited i bin sanapim. I gat etpela studen klasrum na opis bilong ol tisa wantaim ol desk na sia. Dispela nupela bilding i gat wanpela 9000-lita wara tenk. Moa long 500 studen bilong Porebada Viles na ol komyuniti i stap klostu i save kisim wara long dispela wara tenk.

EMPNG i wok bung wantaim Hela Provinsal Gavman long lonsim wanpela PGK2.5 milien (USD712,500) Hela Edukesen Program long 2021 we bai karamapim skul fi bilong moa long 3000 sekenderi skul studen long Hela. Dispela bai helpim ol studen long stap long skul bikos planti famili i bin bungim bikpela salens long taim gurua i bin kamap long 2018 na ol hevi COVID-19 i bin kamapim.

EMPNG i gohet yet long sapotim imejensi rispons bilong Papua Niugini Gavman long yia, wantaim PGK4.3 milien (USD1.2 milien) komitmen long ol wok bilong pandemik rilif long Nesenel Kodinesen Senta, na ol provinsal helt atoriti long Nesenel Kepital Distrik, Hela na Sentral provins. Dispela i helpim long kisim ol saplai na ikwipmen i go long ol helt atoriti olsem ol medikol saplai, mobail klinik, na ka bilong mekim kontek tresing. Eksampel, ol i givim wanpela mobail helt klinik na transpot bas long veksinesen program bilong Motu Koita Asembli long Nesenel Kepital Distrik. EMPNG i givim tenpela nupela ka, we tupela em ol 25-sita bas, sikispela mini-van na tupela stesen wagon i go long Papua Niugini Nesenel Kontrol Senta COVID-19 rispons long kontek tresing, komyuniti edukesen, na transpot bilong ol pesenel proteksen ikwipmen na COVID-19 tes sempol. EMPNG i givim tu 1500 GeneXpert testing katdrids i go long Hela Provinsal Helt Atoriti long helpim ol wok bilong COVID-19 tes long provins.

Ol 23 helt woka long Hela Provins i bin pinisim tripela de intensive trening long daignosis, tritmen na mensemen bilong tuberculosis (TB), HIV na malnutrisen bilong ol pikinini long dispela yia. Dispela trening i bin kamap long mun Ogas long wok bung namel long EMPNG, Paediatric Society of Papua New Guinea, Baylor College of Medicine na Texas Children's Hospital.

Long 2021, ol 47 manmeri long Lae, Lorengau, Goroka, Alotau na Pot Mosbi i bin stap long wanpela Early Childhood Refresher Training em Buk bilong Pikinini i bin go pas long en na EMPNG i bin givim mani long en. Dispela trening i karamapim ol kain samting olsem klas menesmen na behavia strateji, inklusiv edukesen na sain lenguej, dijital lening, developmen bilong ol liklik pikinini, protektim ol pikinini, laibreri menesmen, foniks, na fes aid. Ol lain i kamap long dispela trening i bin kisim ol tablet long helpim ol long Buk bilong Pikinini dijital lening program long lokal Laibreri Lening Senta bilong ol. Stat long 2011, EMPNG i givim moa long 15,000 buk, givim tisa trening, ol tisa risos na sapotim developmen bilong namba wan early childhood learning app bilong Papua Niugini.

EMPNG i givim moa long PGK385,960 (USD110,000) sapotim mani long 2021 long helpim wok bilong ol ogenaisesen olsem Cheshire disAbility Services, Business Council of Papua New Guinea, Institute of Engineers Papua New Guinea Inc., Famili PNG, St John Ambulance na Sir Theo Foundation, husat i save givim mani i go long Pot Mosbi Jenerel Hospital. Ol i wok long sapotim tu Rotarians Against Malaria helt program long Nesenel Kepital Distrik.

## Envairomen

EMPNG i helpim long kamapim gut menesmen bilong Lake Kutubu Wildlife Management Area (WMA) em ol'lain bilong Lake Kutubu WMA Komiti i lukautim. Long 2021, i bin gat wanpela miting wantaim ol Sanumahia wanpisin long kamapim wanpela nupela protektet eria long Kutubu.

Long dispela yia, i bin gat wanpela miting wantaim ol stekholda long 20 de long 18 komyuniti long hap bilong Lowa Kikori. Dispela ol bung i helpim ol pipel na ol lokal lain bilong painim pis long luksave olsem konsevesen em i impoten.

Ol komyuniti tu i stat long mekim ol konsevesen wok bilong ol yet. Wanpela eksampel, Doibo komyuniti i yusim ol risos bilong ol yet long sanapim wanpela komyuniti konsevesen hol na ol i givim graun long Kikori Stesin long tromoi ol pipia. Ol Doibo komyuniti memba i mekim ol wok bilong kamapim envairomental awenes long ol komyuniti na bisnis i stap klostu long ol.

Wanpela fil tim bilong ol savelain bilong ol enimal i pinisim wok bilong baienial sevei long 24 de long mun Julai. Long dispela sevei ol i bin kisim piksa long 80 kamera trep ol i bin putim long bus long Hides Ridge na long hap bilong Moro. Bai ol i mekim wok bilong glasim ol dispela data long 2022.

Long sapotim baiodaivesiti ristoiresen komitmen bilong EMPNG long 'Protektim Tumora. Tude', ol 57 volantia long LNG Plent sait i bin planim ol mangro diwai klostu long LNG Plent sait long Julai.



**LNG Plent Kemp Fasilitis Kodineta, Bart Kasen i givim taim bilong em long planim ol mangro diwai klostu long LNG Plent sait**

EMPNG i traim long daunim ol bagarap long envairomen em prodaksen wok i kamapim olsem na ol i bihainim tripela Envairomental Menesmen Plen. Ol dispela Plen i tokaut olsem wanem EMPNG i menesim air, nois, wara na weist imek, wantaim komitmen bilong kampani long lukautim ol samting tumbuna, menesim ol gras, diwai na ol binatang nogut, kontrolim akses long ol sensitiv eria na planim bek ol diwai na bus bilong dispela hap.

Long dispela yia, ol i bin testim 29 emisen sos long HGCP na LNG Plent sait na 27 bilong ol i bin orait. Olsem na Ensining tim bilong EMPNG wantaim kampani husat i save wokim ikwipmen i bin mekim wok bilong stretim gut dispela tupela HGCP ges tebain jenereta i bin non-komplaien.

Ol i wokim baienuel nois monitoring long Apstrim eria na long LNG Plent sait long san na long taim san i go daun. Ol i wokim tu beislain nois monitoring bilong pri-konstraksen nois level long Angore Welped C. Olgeta risal i soim olsem level i stap insait long mak bilong Enviromen Permit kraiteria.

Ol i yusim ol ted pati fasiliti we i gat tokorait long en, long risaikel ol weist bilong operesenel wok, na yusim gen ol dispela samting we ol i ken yusim gen long katim daun mak bilong weist ol i salim i go long lenfil. Long dispela yia, ol i salim samting olsem 90 ton operesenel weist long Apstrim eria i go long fasiliti bilong Total Waste Management long Roku long risaikel na yusim gen. Ol dispela fasiliti husat i kisim tokorait i bin risaikel 160 ton weist olsem ol skrep metal, plastik na ol bateri i kam long LNG Plent.

Long 2021, ol i luksave long sans bilong yusim gen weist oil long Apstrim eria operesen. Bikos long dispela, ol i prosesim moa long 10 ton weist oil na fiul long hap yet na yusim gen long yia.

Namba bilong ol spil i go daun long 30 pesen na 89 pesen ridaksen long spil volum long 2021 i winim mak bilong 2020. Dispela i kamap bikos long komitmen bilong EMPNG long spil privensen na rispans.

Long-term sapot i gohet yet long helpim ol komyuniti long Apstrim eria na Papua Niugini Gavman long stretim gen ol rot, bris na arapela impoten infrastraksa dispela guria bilong 2018 i bin bagarapim. Long 2021, ol wok bilong stretim gen ol bagarap i bin stap long rausim ol graun i bin bruk go daun na mekim wok bilong kontrolim graun. Ol i mekim wok bilong digim baret na ol arapela wok bihainim Right of Way (ROW), na tu ol i stretim ol bagarap i bin kamap long Komo ples balus.

EMPNG i save wokim ol baieniel sevei long sekap long ol plent spisis bihain long distebens i kamap long ol konstraksen wok. Ol sevei i save kamap antap long mak bilong 24 i go inap long 2721 mita antap long si level bihainim olgeta paiplain ROW.

Long 2021, sevei i bin kamap namel long Mas na Epril na i karamapim ol eria i stap daunbilu, na long namel na antap long maunten. Ol i pinisim wok bilong glasim ol risal bilong dispela sevei long Desemba na i soim olsem ol diwai na bus long paiplain ROW i gro bek gut na klostu bai i kamap gen olsem praimeria na sekenderi bus.

## Sosel

EMPNG i holim yet mak bilong go pas long indastri long sefti pefomens we i no gat wanpela no Lost Time incident i bin kamap long moa long 4-pela yia long ol PNG LNG operesen. Wok i bin karamapim moa long 85.9 milien aua long taim prodaksen i bin stat, na long 2021 ol inapim 15.6 milien aua long mekim ol wok.

Enuel Kontrakta Sefti Lidasip Woksop i bin kamap long Oktoba. Het tok bilong woksop 'Konektim ol DOTS bilong Seif Fiutsa' i soim ples klia watpo em i impoten long save gut long sefti sistem na ol tul na ol i wok olsem wanem long mekim ol wokmanmeri i stap seif. Em toktok strong tu long proses sefti kritikel sefgad bilong ol. Long dispela woksop, Laba Security Services Limited, Smit Lamnalco na Baker Hughes PNG Limited i bin kisim awot bilong Best Sefti, Sekiuriti, Helt na Enviromen (SSHE) Pefomens bilong yia 2021 long nambawan sefti pefomens bilong ol.

Long 2021, moa taim na wok i kamap long proses sefti long Enhansim Proses Sefti fremwok. Ol fil tim i mekim wok bilong luksave na strongim ol impoten seifgad bilong ol bikpela hevi inap kamap. Long skruim wok bilong promotim proses sefti, ol i putim ol sain long ples bilong wok long helpim ol wokmanmeri long luksave na toktok long ol seftigad i impoten long mekim wok bilong ol i seif. Ol arapela sefti program bilong EMPNG i wok long lukluk long ol bikpela hevi klostu i kamap na sans bilong ol long lainim ol samting long 2021.

Wok bilong testim ol manmeri long COVID-19 long ples bilong wok i bin gohet we ol i kisim 25,500 tes sempol long ol ples bilong wok long 2021. Ol klinik long Apstrim na LNG Plent i bin kisim ol apgret tes ikwipmen long lukim olsem i seif na i no westim taim long prosesim ol COVID-19 sempols. Sampela bilong ol em nupela polymerase chain reaction (PCR) tes masin bilong painim COVID-19 na ol baiosefti kabinet bilong stretim ol sempol long testim. Olgeta sait klinik i kisim tu ol oxygen konsentreta masin long helpim ol lain husat i kisim COVID-19.

I bin gat veksinesen awenes long ol woka na ol EMPNG klinik i bin kisim moa long 5000 veksins dos long dispela yia.



**EMPNG Pablik na Gavman Afeas Edministresen Asisten, Stella Lamboku, bihain long em i kisim COVID-19 veksinesen**

Kalsa bilong Helt program i wok long lukluk long baiometrik skrining bilong ol woka long sait klinik na i bin gat tu mental helt na wel bin program. Moa long 1200 woka i bin stap insait long baiometrik skrining long dispela yia we ol i sekap long blut presa, weit na blut suga tes long painimaut na tritim ol hariap sapos i gat ol sik long bodi.

Long 2021, EMPNG i bin apdetim Imejensi Rispons Plen long olgeta wokples bilong en. Dispela apdet Plen i bihainim 'Wan Plen' tingting bilong ExxonMobil. Dispela i soim olsem olgeta Imejensi Rispons Plen i stap nau we bai gat ki infomesen bilong ol rispons tim. Ol arapela infomesen i bin stap long Plen bilong bipo i stap nau long nupela EMPNG Imjensi Referens Gaid.

I bin gat 7498 komyuniti engesmen bung long 2021 wantaim ol komyuniti long ol eria we PNG LNG i wok long en. Long ol dispela bung, 2470 em ol fomel engesmen na 5028 infomel engesmen wantaim klostu 38,000 stekholda. Ol bung na toktok wantaim ol stekholda i kamap gen bihain long ol pandemik ristriksen i pinis na ol konstraksen wok i stat gen long Angore na Hides.

Long Apstrim eria, ol engesmen olsem Clan Caretaking Agreement na ol bung we ol i kamapim ol eksklusen jon long ol eria we ol i bin luksave long len eksese sevei olsem graun inap bruk i kam daun gen long dispela hap. Ol arapela bung i bin toktok long wok bisnis na ol askim bilong givim wok.

Long LNG Plent sait, planti bilong ol komyuniti engesmen em long toktok long ol komyuniti invesmen projek na donesen na givimaut ol kea pek, na awenes bilong marin sefti eksklusen jon, mangro konsevesen, na ol hevi inap kamap long taim gras i paia. Lanco grup Laba Holdings Limited i bin sanapim 10-pela sainbot long nambis long Caution Bay long skulim ol lokal komyuniti long sefti eksklusen jon long solwara.

I bin gat edvokasi woksop long givimaut infomesen long wok bilong PNG LNG, ol komyuniti developmen program, baiodaivesiti program na nesenel kontent inisitiv. Bikos long pandemik ristriksen, edvokasi program i no bin kamap long fes haf bilong yia. Long seken haf bilong yia, i bin gat 15 edvokasi woksop i kamap we moa long 150 pipel husat i makim ol nesenel gavman dipatmen, wantaim ol provinsal na lokal level gavman. Ol lain husat i bin kamap i kisim gut ol infomesen na ol i yusim dispela sans tu long strongim wok bung wantaim EMPNG.

Eli long mun Desemba, Menesing Dairekta bilong EMPNG, Peter Larden, i bin toktok long enuel konprens bilong Papua New Guinea Chamber of Mines and Petroleum. Het tok bilong dispela konprens em 'Risos Indastri – Mekim i Wok Long PNG'. Mista Larden i toktok long ol benefit PNG LNG i bin bringim long Papua Niugini long developmen bilong ol wokfos na long ol wokbung wantaim gavman. Em i toktok tu long ol wok EMPNG i mekim wantaim gavman na ol komyuniti patna long stopim COVID-19.

Long taim EMPNG i go insait long narapela feis bilong ol operesen, em i strongim yet dispela komitmen long givim moa benefit bilong LNG prodaksen i go long ol komyuniti long Papua Niugini. Ol i mekim olsem long taim ol i wok klostu wantaim ol komyuniti, gavman na ol non-gavman ogenaisesen long sapotim sosel na ikonmik developmen bilong kantri.

OL BIKPELA WOK BILONG 2021

EKSEKUTIV TOKTOK

110<sup>LNG KAGO</sup> LOD LONG 2021 → 808  
**LNG KAGO I KAM INAP NAU**



**PGK5.2**  
**bilien**

SPENDIM INSAIT LONG

KANTRI LONG OL PNG BISNIS  
 LONG PRODAKSEN I KAM INAP NAU

**PGK645** milien SPENDIM LONG 2021

3339<sup>WE</sup> TOTAL WOKMANMERI  
 89% PESEN EM OL PAPUA NIUGINI

**15.6** milien  
 MILIEN AUA LONG WOK  
 LONG 2021 NA


**117,785**  
 AUA LONG TRENING



**61,700+**

KILOGRAM FRES  
 KAIKAI LONG LOKAL MAKET

**7498** ENGESMEN WANTAIM  
 ~38,000 STEKHOLDA



0 LOST TIME INCIDENT  
 LONG 2021

**4+**

YIA WE I NO GAT  
 LOST TIME INCIDENT



*PNG LNG hetkwata*

**ExxonMobil PNG Limited  
ExxonMobil Haus  
Jacksons Parade 7 Mile  
Port Moresby  
National Capital District  
Papua New Guinea**

**PO Box 118  
Port Moresby  
National Capital District  
Papua New Guinea**

**Email [pnglngproject@exxonmobil.com](mailto:pnglngproject@exxonmobil.com)**

**Web [www.pnglng.com](http://www.pnglng.com)**

**Facebook [@ExxonMobilPNG1](#)**

**Twitter [@ExxonMobil\\_PNG](#)**

*Poto kepsen:*

**Kava** EMPNG Operesens Teknisen, Elaine Baking, long HGCP

**Ekseketiv Toktok** EMPNG Operesens Teknisen, Anthony Lohia, wantaim Fasilitis na Proses Seveilens Ensinia, Elijah Lavai, long LNG Plent



*Energy for the World. Opportunity for Papua New Guinea.  
Eneji Bilong Wol. Luksave Bilong Papua Niugini.*